

2024

2025

VASTELAOVES GEZÉT

Vastelaoves Vereininging

De

Rabbedabben

Haler-Uffelse

Jaargang 15

Januari 2025



Rabbedab programma



Vastelaovesactiviteite waere
mede óngersteuntj door

TICHTING
SDH ALER
ORPSHUIS



- 16 fibrewari: Prinserecepsie (14.11 oor)
- 22 fibrewari: Bóntje Aovendj (20.11 oor)
- 27 fibrewari: Jeugdsleuteleverdracht (18.30 oor)
- 28 fibrewari: Sleuteleverdracht (19.00 oor)
- 1 mieërt: Spaarkas lichte (20.30 oor)
- 3 mieërt: Spek mit Eier & kiene (18.30 oor)
- 4 mieërt: Dolle Dinsdig mèt Optocht (14.11 oor)
- 5 mieërt: Hieëring happe (20.00 oor)



2025

ontwerp: Pepe

Van de secretaresse...

...van de burgemeester...



Beste minse van Haler,

Waat waas ut weer sjoeën ut aafgelaupe jaor! Prins Cas I en zien Prinses Femm ginge ós veurop en det hóbbe ze vol verve gedaon! Noe we ut toch euver verve hóbbe, dur is hël geklusjt door ut Rabbedabbe klustieëm en det kintj gae allemaol kómme bewónjere tieëdes de optocht hie in Haler op dinsdig 4 mieërt aanstaondje. Misjt ut neet, ut is hieël sjiek gewoore. Es secretaresse hób ich eine "snieëk-prievuuw" gehadj van det machtige kunstwirk! Dao kin ut volgendje Prinse(sse) paar trots op zeen! En die men (en vrouwluj) die dao zoea good aan gewirkjt hóbbe auch! Top!

Wae gaon dur auch dit sezoeën weer get sjoëns van maake. Dinkelijk veur ut ieërst in de Limburgse vastelaovendj gaon dit jaor twieë prinsesse veurop in Haler. Det is toch waal uniek! Sjiek! Op de linkerpagina zeetj gae ut programma staon veur dit sezoeën en ut zitj weer lekker vol. Wae hoope uch natuurlijk waal te zeen bie ein (of mieër) activiteite zoadet de men van de Raod auch ieer van häör wirk hóbbe.

Auch ut beukske (dees Vastelaoves Gazet) is weer good gevuldj mit verhaole en fotoos. Alweer ut 15e exemplaar en daomit ut 3e lustrum weer rón dj. Koste nog meute zeen gespaardj om uch dees Gazet gratis aan te beeje. Dank aan de sponsore die dao ein fikse biedraage aan levere. Gae kintj donateur waere veur 11 euro (gein abonement, geweuen einmalig, dao zeen de Rabbedabbe al mit geholpe (alle kleine bietjes helpe)). Verderop in de Gazet steit wie det in zien wirk geit. De Rabbedabbe raekene op uch!

Van eine van die men van de Raod van Halluf Elluf kreeg ich toch get verontrustendj noets. In dees Gazet is eine opreup opgenómme óm dur get leeje bie te krieëge in dae Raod. Ut zeen al jaore dezelfdje die aan de ker trikke en ut waerdj noe langzamerhandj toch waal ins tieëd det dur zich nog get minse gaon meldje die auch wille (gaon) óngersteune bie ut organiseren van activiteite veur de Halerse (jeugd)vastelaovendj. Noe dur steeds mieër minse kómme woene die neet van Haler of zelfs oet Limburg zeen is det stuk den auch spesjaal in ut Nederlands opgestéldj zoadet idderein det kin laeze (en begriëpe). Det heet mich waal get extra sjreum gekosj want ich tiep normaal alles in ut plat. Hoop den auch det dur gein taalfoute in staon.



En vergaet dus neet woearóm wae dit allemaol doon:

***Vraogdj uch neet aaf waat Haler veur uch kin doon,
mer vraogdj uch aaf waat gae veur Haler kintj doon!***



Unne terukblik...door Prins Cas I



Wae kieëke teruk op ein super leuke tieëd. Die begos met ein tillefoontje met de vraag of wae echt prins en prinses woeje waere. Femm kos ut nog geheim haoje veur häör zus Roxx, mer mos dernao toch efkes nao heur kamer om te springe en gek te doon van bjeij-sjap.

Cas luddje ut neet om zien bliej-sjap te verberge woedoor zien aodste zus Lize ut drek in de gaate haaj en dus auch ut geheim mos beware.

Aangezeen ut veur Rox tot op ut inj geheim bleef, haaj ut get aan om niks te laote merke as der weer euverleg waas, of biej ut foto's nömme, woebie van te veure auch nog efkes nao de kapper gegange mos waere.



Nao alle veurbereijinge waas ut den zoea wiet; ut oetroope! Wae haaje bedacht om as létste door ein stuk pepeer haer te stappe. Wie wae dao achter det pepeer stonge te wachte tot det wae os bekindj koste make, waas det keispannendj en leuk.

Ut waas ein super leuke aovendj en wae vónje ut top det der zoeaveul minse gekome wore!!

Oos eige prinserecepsie waas hieëlemaal te gek! Leuk om ós familie, vrinj en sportteams te zeen! Wae hubbe veul coole en lekkere cadeaus gekrege die wae oppe Bóntje Aovendj hubbe op gegaete.

Wae hubbe veul gelache oppe Bóntje Aovendj en oos optraejes vónje wae ein bietje spannendj mer veural leuk om te doon.

De Vastelaovendj zelf begos met de sleuteleuverdracht. Wae haaje ein hieël spesjaal gevoel om die groeate groep luuj en alle vereniginge oet Leudal bie-ein te zeen. Ut waas extra grappig det wae de presentator van dae aovendj koste verbaetere wie hae ós op ut podium reep.



...en Prinses Femm...

Toen waas ut echt begos. Op zaoterdig haaje wae de prinse en prinsesse foto met de ganse gemeindje Leudal.

Op maandjigaovendj kiene en spek met eier, woeabiej wae in de prieëze zien gevalle.

De optocht op dinsdig vónje wae geweldjig! Die groeate waages met bewegendje deile en opa's en oma's die met-deeje waas super gaaf om te zien! Auch det wae op óze eige wage koste staon vónje wae leuk en ein toffe ervaring.



Ut fieëst in ut Dörpshoeës nao de optocht waas onvergaelik woeabie op ut in den auch de Vastelaovendj veurbiej waas.

Wae hubbe super genote van oze tied as prins en prinses. Wae wille eederein

bedanke dae der same met ós ein fieëst van heet gemaaktj, en spesjaal ós adjudante, de raad en ós aojers!!

Den sloeëte wae nog eine kieër aaf met os motto:

Met dees daag rake wae de bal neet aan, mer gaon wae der met uch flink taeg-aan

Alaaf!

Prins Cas en Prinses Femm



Kerboet-aksie...



Ooproep...

Beste inwoners van Haler,

Zoals jullie wellicht weten worden de carnavalsactiviteiten in Haler grotendeels georganiseerd door een groepje enthousiaste vrijwilligers genaamd de Raad van Elf. Gekscherend noemen we ons al jaren "de Raad van half Elf". Het is tot nu toe namelijk nog niet gelukt om 11 personen bij elkaar te krijgen om samen met ons de Vastelaovendj in Haler levend te houden. Dit is ook precies waar de schoen wringt. Want al vanaf dit seizoen zal er een uitdunning zijn van ons toch al kleine clubje.

Gelukkig kunnen we voor hand en spandiensten een beroep doen op ouders van jeugdraadleden maar daarnaast is het broodnodig dat er een aantal leden zich bij de Raad van Elf voegen om samen met ons organisatorische taken op te pakken.

Onze taken richten zich volledig op het organiseren van de jeugdcarnavaal zoals het uitroepen van prins prinses en adjudanten, prinsenreceptie, verkoopactie en de optocht. Maar ook de zomeractiviteiten voor de jeugdraad zijn vaste prik.


Wil je wellicht wat meer info wat dit precies inhoudt? Stuur dan een bericht naar info@rabbedabbe.nl of spreek een van ons aan tijdens een activiteit. Hopelijk kunnen we samen de komende jaren de jeugd van Haler een onvergetelijke vastelaovendj bieden.



Jeugdactiviteit...



Fotookes Spek mit Eier...



Fietsepaad...

Ut fietsepaad van Haler nao Rooj is ein sjoean dink. Ut waardj veul gebroektj; ónger angere door de Halerse jeugd die nao sjoel geit in Rooj of in Wieërt.

Mer dao urges bij de geiteboorderie is dae fietsepaad behuërlík vesjangeleerdj door det de wortele van de buim de asfalt omhoeag hubbe geduudj.

Dao waardj al oppe tied veur gewaarsjuwdj; de gemeindje Leudal haet dao spesjaal ein bord veur inne grondj gehauwdj. Mer ein oplettendje en met-dinkendje burger haet der eine sticker op gepléktj.

Wae vanne redaksie vinje det dae dao groeat geliek in haet. Vanaaf ees plek roope wae dae vrouw of mins op, om ein sollisitaasie te steure nao ut gemeindjehoes veur wet-hoajer of burgemeister. Oos steun kinse krieger.



Oetneuediging Receptie...



Wae, Prinses Imara, Prinses Danée en adjudante Lois, Liene en Lize, höbbe de ieër óm uch oet te mooge neuedige op ós Prinse(sse)likke receptie.

Deeze waardj gehaoje op **zunjig 16 fibrewari** van 14.11 oor tot 16.11 oor.

Gae zeetj den hertelik welkom in:

Ós Rabbedabben Pelieës

Zaal
Ons Dorpshuis
Pinxtenstraat 1
6012RJ Haler



Prinsereceptsie 2023-2024...



Eine henjige mins...

Dit bericht haaj eigelik al veurig jaor inne Vastelaovesgeziet motte hubbe gestange, mer door drukkje oppe redaksie is det toen anges gelaupe. Om-det wae van de redaksie begriepede det de inhoud van dit stuk ein belangrieke biejdage levertj aan de 'geistelikke gezondheid' van de Halerse gemeinsjap, hubbe wae toch gemeindj dit bericht te motte plaatse.

(Aod noets euver) Eine henjigge mins

Oppe Fazantestraot woeantj eine henjigge mins dae neet veur ein gaat te vange is. Wae zulle um oet praivissie-euverweginge mer Wim neume. Dae Wim haet in de laoup der jaore hieël zien eige hoes onger henj genome. Vanne keuke toet de kamer, vanne WC toet de graasj, alles zetj hae ongerein. Zien vrouw Lies mot det mer allemaol aanzee, en haope det det allemaol mer weer good kumtj. Mer ze zal auch dinke: "Det heldj um vanne straot".

Hiej zeetj gae Wim in vol ornaat. Hae zuut der neet echt oet om door ein ringske te haole (oppe redaksie zei eemes: 'dae zuut der oet wie ein verke ...'). Omdat hae ein troefelke inne handj haet, zootj gae, as trouw laezer van dees gezet, missjiens waal dinke det hae aan ut stucadore is.

Mer de redaksie van dees vastelaovesgeziet zoj neet de redaksie van dees vaste-laovergeziet zee, as wae neet op ongerzeuk woore gewaesj om de waarheid te achterhaole. Wim waas namelik neet aan ut stucadore. Nae. Wim is doevemelker gewoore en kwoom net oet zien doevehok teruuk. Ut truufelke haaj der neet nuedig mer loog in de waeg.

Gae kintj aan Wim zee det der ein probleem haaj met zien doeve. Wae vanne redaksie weite det Wim toen eine vieë-arts in Haler haet gebeldj. "Dae haet namelik verstandj van kuuj melke dus den zal der auch waal verstandj hubbe van doeve melke" zal Wim gedacht hubbe.

Mer waat mot de teleurstelling groeat zee gewaesj det dae vieë-arts gein böl verstandj haaj van doeve.

Wae vanne redaksie haope veur Wim en zien doeve det ut probleem veurbiej is. Wae haope auch veur met name de buure van Wim det hae zien doeve binne haet gehaoje zoelang det die bieëstjes nog neet baeter woore. Neet eederein is gedeendj van ein witte vinsterbank ... (wae woeane neet in Thoeur, worre)



Fotookes Sleuteleverdracht



Is Hein verhoesjdj...?

Waem in Haler (en omstreke) kintj Hein Winters neet. Hein, de venkel-keuning van Midde-Limburg, is eine echte Vastelaovesleefhubber en al jaore ein troewe sponsor van de Rabbedabbe.

Zoea auch aafgelaope jaor.

Mer; op de sponsorbreef dae Hein veur Hein waas gemaaktj, stong ein adres woea-oet eemes zoj kinne dinke det Hein verhoesj is. Hae zoj namelik verhoesj zeen nao nummer 104.

Antwoordformulier betreffende de sponsoring voor carnavals- en jeugdactiviteiten

Naam sponsor (particulier of bedrijf / organisatie)

Winters Venkel Tuinbouwbedrijf Winters

Adres:

Hulmusweg 104

Postcode en woonplaats / vestigingsplaats:

6012 RP Haler

Om te tsjekke of det allemaol waal klopdje zeen wae op zeuk gegange nao Hulmusweeg nummer 104 (want volges oos aafdeiling 'Bouwkunde, bakstein en daakpanne' onger de strakke leiding van Stefan waas der niks mis met de wuëning op nummer 4).

Nao hieël get oore rieje kwoome en ein paar kieër tenke en anti-vrees biejuulle, kwoome wae gein hoesnummer 104 taege, mer waal veul koaj, snieë, en bieëste die hoeagnuedig nao de tandarts motte.



Oeteindelik zeen wae omgedreijdj en teruuk gereeje, en hubbe wae de sponsorbreef met bieje hoesnummer 4 inne breevebus geduudj.

Gelukkig woeantj Hein dao nog steeds op nummer 4. Woea wae oeteindelik zeen oetgekoome pasje Hein waal hieël good vanwaege zien achternaam. Mer hiej is ut klimaat baeter veur de venkel. Dao gruuje hiegstes winterwortele, snieëklukes en iesbloomie; aldus de woordvoerder van oos aafdeiling 'Plantaardig en greun (neet wie ein verke)'.

Fotookes Jeugdsleuteleuverdracht...



Jóngk gelieërdj is aod ged...

Asse jóngk bes, hubse doezendj-en-ein redene om aojer te wille zien. Mer urges rondj dien fieërtigste den dreijdj det om; den wilsse weer jonger zien. Det hetj den mitlaifkrais.

Luc Etmans zitj waarsjienlik nog neet in zien mitlaifkrais. Mer hae zal waal gaer get aojer zien; kan der met de groeate minse met-aan doon. En det bliektje auch waal. Zoeë stong op 10 juli 2024 ein stuk in de Limburger euver de Halerse TT. Der waas auch ein foto bieje geplaatsj. Biej de roeaje piel zeetj gae Luc Etmans, tusse allemaol van die aoj(er) men.



De leden van de stuurgroep laten de motoren vast warmlopen. Vlnr: Wim Baetsen, Wim Weekers, Jelle Heber, Luc Etmans, Luc Baetsen, Rob Weekers, Dorien Deckers, Sem Lalieu, Mark Versteegen, Peter Geelen, Roy Etmans en Huub Custers. FOTO ARJANNE VAN VOORST

HALER

Veiligheid staat voorop bij TT Haler

Hae zitj dao in ut ziejspan van eine motor.

Wae vanne redaksie ginge op ongerzeuk oet. Luc waas Prins van de Rabbedabbe in seizoen 2022-2023. Toen zal Luc rónjdje van 10-11 jaor zien gewaesj. Det beteikentj det Luc oppe foto vanne Limburger 12 jaor waas.

Wae vanne redaksie vinje det toch waal ein bietje jónk om in un ziespan van eine motor rundjes te sjeure oppe TT. Ómdat wae ut ins zien met de titel van det stuk inne gezet "Veiligheid staat voorop" (wae waere daarom auch gesponzordj door Durex) en ut ós aan ut hert geit wie ós aod-prinse zich verder gedraage (wae hubbe gooj kontakte met de reeklassering), meine wae vanne redaksie met Wim en Tjeu vanne TT in Haler om de taofel te motte gaon zitte. Wae hubbe namelik ein sjoean alternatief bedacht veur die jong men wie Luc die toch met wille doon aan de Halerse TT.

Wae stelle namelik veur om ein apaarte categorie in ut laeve te roepe: 'de viltjes'.

Den kinne die jóng men ein paar rundjes rieje op häör fietske (zonger electromotor!!!) met ein beerviltje aan ut spatbord waat den zoea kleppertj tusse de speike. Krek wie eine echte motor.

Det deeje wae vanne redaksie vreuger auch as wae ruig wooje zien en motor wooje rieje. En daobie vinje wae eavezieër auch: 'Jong gelieërdj is aod gedaon'. Det geldj veur de TT en veur de Vastelaovendj.



Dolle Dinsdag...optocht...



Dolle Dinsdig...optocht...



Sponsore...

HETHOBBIJSCHUURTJE



Activiteitenboerderij

Nico & Carin Rietjens

Lochterstraat 4 | 6012 RD Haler

0495-552282 | b.g.g. 06-36299112



www.hethobbyschuurtje.nl

carin@hethobbyschuurtje.nl



Dolle Dinsdig...fieëst...



Sponsore...

Tuin derij

De Locht

Rabarber

Dolle Dinsdig...fieëst.....



Fotookes Dolle Dinsdig...



Sponsore...

Henderikx

UW GROENE
vakwinkel

Weverstraat 5a Hunsel tel. 0495 786807



HAR HENDRIKKX

BOUW- EN TIMMERWERKEN

Telefoon: 0495—586 408


Mobiel: 0623—228 273




Sponsore...



BROEKMAN B.V.



PLUIMVEE-ENTBEDRIJF
BROEKMAN B.V.



Sponsore...

FL Security,
Gespecialiseerd in beveiliging op
verschillende niveaus

Laagveld 2
6014 DD
Ittervoort



SECURITY



Wiltj gae es particeleer auch uch steinke biedraage aan de in-
standjhaojing van de Halerse Vastelaovendj, doneertj den

Donateur waere?

€ 11,-

op bankraekeningnummer NL 22 RABO 0138613532

Bóntje Aovendj...



Sponsore...



STRAOTERHOF
BOERDERIJCAMPING



Proclamasie...

Hie volgt de proclamasie van Prinses Danée en Prinses Imara:

Danée:

Zon 365 daag geleje, det waas dus veurig jaor
Stonge Prins Cas I, Prinses Femm en Adjudante Raf en Liene
hie j veur ug klaor
Die hubbe laote zeen det ze ein fieëstje kinne bouwe
Dit jaor gaon wae in Haler 3 daag oppe trom houwe

Imara:

Wae belaoeve uch det wae Haler oppe kop gaon zette
En det is belaoefdj; motj gae mer ins op lette
Wae gaon os noe aan uch veur stelle
Want wae hubbe hieël get te vertelle

Danée:

Mien mam is oet Zuid-Limburg; in Buchten gebore
En is op eine Braobenjer verleeftj gewore
Det is mien pap; ein gebore en getoge Riethovenaar
Hae probeertj plat te kalle, met ut klinktj nog steeds raar

Imara:

Mien opa waas Christ vanne Pinxt, mien oma hetj Nellie
Mien pap Marco kumtj oet Kessel, mer woentj al jaore hie j
Mien mam Angelina waas oeats hie j prinses, det is gein noets
Mien pap kaltj waal plat, mer haet toch echt Italiaanse roets
Mien broor hetj Keano, dae ging mich als Adjudant al veur
En oze hondj hetj Cooper, dae is zoea gek wie ein deur



Danée:

Ich hub drie hunj, twieë knieen,
twieë zusse en ein broor
Daorum is ut bie j os pas stil in
hoes nao negen oor
Ich zit in Wieërt op ein sjoel, die
ligtj in Leuken
Mer as ich hoeswerk krieg, gaon
mien henj neet jeuken
Streetdance doon ich ut leefste
op ein podium, mer neet op stra-
ot
Mer waal in Wieërt in ut
Muntheater, dao is ut neet zoea
kaod

Imara:

Mien sjoel in Wieërt hetj 'de
Philips', net wie die lampenfa-
briek
Mer die lieërare dao zeen neet
zo'n leecht, des toch hieël uniek
Ich hub zoeaveul hobbies, ich

weit neet woea ich mot beginnen:

Meziek maken, volleyen, paerdjes verzurgen en chillen met vriendinnen
Auch loester ich gaer nao meziek, met van dae helle beat
As pap en mam det heuere gaon ze wanjele; extra wiet



Samen:

Lois, Liene en Lise zeen neet te misse; ze zeen os drie adjudante
Die haoje van paerd riej, handjbal en volleybal, ze weite van wante
Hun hulp hubbe wae dit jaor zeker hel van doon; same staon wae sterk
Wae zulle uch laote zeen wat fieëste is; det waerdj missjiens waal nachtwerk

En det alles onger os motto:

Allein mer meiden; wat ein gekakel Mer in Haler 3 daag lang ein groeat spektakel ALAAF!!!

Prinsewaage 2.0...

Wae vónje de prinsewaage wie der waas neet mieër zoea sjoean. Tieëd dus veur
eine fresj-up. De boetekantj wooje wae get gaon oprisse. Ut ieërste idee waas
om de waage get te poetse en den te kieëke of wae dao get euverhaer koste sjil-
dere.

Mer bie det poetse kwoome wae nog kaugom en kermelle tege van veur de oor-
log. En bleek det de boetekantj auch neet mieër zoea van topkwaliteit waas.
Nou, gaef Stefan eine vinger en hae hooltj de hieële boetekantj der van.

Stefan waas good op dreef en hooldje ein truuk oet woea ze op meinig kamp nog
jaloers op waere; raajer dervan en de ker op blök. En
woearom? Nou, Stefan haaj toes inne sjeur nog ein
sjerpe guts, en daomet haet der ut profiel van de
benj get oetgedeeptj; noe hoove der gein wintjer-
benj onger. Slumme en henjijgige mins; dae Stefan.

Daonao zeen der noew plaate aege de ker aan ge-
monteerdj. Die stónge al fijn inne gróndjverf. Hie
kintj gae duudelik zeen wie det heet gegange; ze
woore met man zat, mer der woore dur mer twieë
die get deeje. Ut leek waal gemeindjewirk...



Mer affeng; ut resultaat moogdje der zeen.

Tja, en toen móste wae eemes vinje om der ein sjoean tekening op te make;
of wie det taegewoordig hétj; ein noew diezain veur te make. Wae vanne
Rabbedabben móste op zeuk nao eine echte kunstnieër. Det veel kerdjuus
neet met. Rembrand gebeldj mer
dae deej det neet mieër. Dae zoot
allewel in de beveiliging
(seekjoerittie) op ut bedrieëve ter-

rein van Ittervoort. Hae leep dao veural de nacht wacht. Toen mer Rubens
gebeldj. Auch gein succes. Dae sjilderdje allein nog mer van die dieke naakse
vrouluuj. Det vónje wae niks veur oppe prinsewaage. Toen Vincent van Gogh
probere aan de lieën te krieëge. Det luddje almer neet. Wae vanne redaksie
van dees gezet dinke det dae gooje mins, eeders kieër as wae beldje, op ein
oear loog. En omdet hae det anger oear dervan gesneeje haaj, zal der waal
niks geheuerdj hubbe.

Oeteindelik kwoome wae oet bie Els Maes oet Rooj. Waat zeen wae dao bliej met! Els pakdje geweun
de tillefoon op, en kwoom os daonao direkt oet de brandj helpe. Ze haaj ein sjoean diezain gemaaktj
op pepeer. Die tekening mós waal vieftieën kieër zoea groeat oppe ker koome. Gelukkig



kwoom Els ós helpe, want dao haaje wae te weinig kieës van gegaete. Met vaste handj en sjerpe blik haaj Els det klusje rap gefiksj.

Wie Els klaor waas, mós tein en tanger waere ingekleurdj. Det haaj best waal get aan. Mer vööl henj make licht werk. Hiej zeetj gae de vorderinge vordere:

(Pee-es: Op dees foto kintj gae zeen det Stefan best waal serieus kin kieëke ... Wae vanne gezet dinke det Claudia dao hieël blie met is; ut begintj naamelik met serieus kieëke!)

(Pee-es: Op dees foto kintj gae zeen det Sabine 5 dinge tegeliek kin; tillefoneere, lache, inne kamera kieëke, en sjildere met twieë kwesjes tegeliek)

(Pee-es: Op dees foto zeetj gae Steffie-in-eksjon. Gelukkig kan ze der met lache; en wae vanne redaksie weite det dit van herte waas, en neet wie eine boor met keespieën)

(Pee-es: Op dees foto zeetj gae det Rik meindj handsjoon te motte drage. Is det om gein verf aanne puët te krieëge, of gein koe-strontj aan de

ker?)

(Pee-es: Op dees zeetj gae Maurice. Ut liektj as of hae get meute heet met de 'aug-handj-coördinaasie' en det is ach zoea. Toch is ut neet veur te stelle det hae der ondanks det toch get sjoears van heet weite te make)

Ut reseltaat tot noe toe is ongevieër dit:

Mer toen:

Els haaj in heur diezain op pepeer nog sjoean kleur-accente aangebrachtj. Wae ginge dao auch met gooje mood met aan de slaag. Maurice haaj nao veul klommele oranje gemaaktj, mer waas der neet hieël euver te spraeke. Hae leet ut reseltaat aan Rik zeen. "Det liektj waal anaal-roze". De verwarring en sjrik in de uig van

Maurice waas goud waard. Nao oetleg van Rik det hae in zien vieërtskarriejaere mieër verkes met ein anus-prolaps haaj gezeen (en dus auch de kleur) den loes op eine verweringskaetel, waerdje Maurice get rustiger.

Ut waas auch allemaol geklommel bij lamp-leecht, en om zoeaget tegooj te doon mosse daag-leecht hubbe. En omdet wae vinje det de nuuj prinsewaage der weer 10 jaor met veuroet mótk kinne, hubbe wae beslote om weer de hulp van Els in te roope.

Biej ut ter perse gaon van dees Vastelaovesgezet waas ut inj-reseltaat nog neet aaf. Mer dao hoofdj gae uch as troew laezer van dees gezet gein dikke bein om te make. Det kumtj allemaol good. Ut reseltaat is te bewónjere met oos sjoean optocht op Dolle Dinsdig. Ein extra gooj reeje om nao de optocht te koome kieëke en dernao der eine (of mieër) te kome pitse inne café of zaal.

Toet slot:

Wat wae neet mótte vergaete te vermelje is det Harm al zien inzichte inne strijd heet gegoeadj om ut plaatwerk fatsoen-delik tege de ker aan te monteren. En auch mótte wae neet vergaete det Mario zich auch ut zweit oppe kop heet staon sjildere. En wae mótte hieëlemaal neet vergaete det Steffie en Sjack van de Kruijs zoea vruntjelic zeen gewaesj óm hun sjeur besjikbaar te stelle veur al dit sjilderwerk. Wae hubbe zoea zuuver meugelik probeere te wirke en zoea min meugelik probeere met verf te knoeaje. Wae vinje dae gastvrijheid en behulpzaamheid sjoean en det waardere wae enorm. Dus vanaaf dees plaats; 'Eine hieële dieke merci!!'

Toet slotter:

Wae zeen bliej det Els Maes neet op Vincent van Gogh liektj. Den haaj ze ein oear deraaf gehadj. Den haaj ze daarom gein bril kinne drage. Den haaj ze dus neet zoea good kinne kieëke. En den waas de tekening en daomet de prinsewaage neet zoea sjoean gewoore wie noe. 'Els, eine hieële hieële dikke merci!!!'





Druk Print Sign

b-mediagroep
 Posthoornstraat 69
 6219 NV Maastricht

Draadbaan 39
 2352 BM Leiderdorp

085 - 210 35 30
 info@bmediagroep.nl
 www.bmediagroep.nl



Dees
VASTELAOVES GEZÉT

waerdj uch aangebooje door

Vastelaoves Vereniging

De Rabbedabben
Haler-Uffelse

2024

2025

Donateur waere?

Wiltj gae es particeleer auch uch steinke biedraage aan de instandjhojing van de Halerse Vastelaovendj, doneertj den

€ 11,-

op bankraekeningnummer NL 22 RABO 0138613532

Veur mieër info:

www.rabbedabbe.nl

Redaksie:

Rik, Peter Paul

Lee-out:

Peter Paul

Foto's:

Peter Paul

Drukwérk: b-mediagroep



Vinj ós op

Feesbook

<http://www.facebook.com/pages/Vastelaoves-Vereeniging-de-Rabbedabben/217234991746623>



| KvK : 12068803 | Rabobank: NL22 RABO 0138613532 |

© 2024/2025
V.V. de
Rabbedabben